

Қазақстан Республикасының Үкіметі мен Өзбекстан Республикасының Үкіметі арасындағы Еркін сауда туралы келісімді бекіту туралы

Қазақстан Республикасының Заңы 1998 жылғы 8 мамыр N 224

Алматыда 1997 жылғы 2 маусымда қол қойылған Қазақстан Республикасының Үкіметі мен Өзбекстан Республикасының Үкіметі арасындағы Еркін сауда туралы келісім бекітілсін.

Қ а з а қ с т а н Р е с п у б л и к а с ы н ы ң

Президенті

Қазақстан Республикасының Үкіметі мен Өзбекстан Республикасының Үкіметі арасындағы Еркін сауда туралы КЕЛІСІМ

(ҚР халықаралық шарттары бюллетені, 1999 ж., N 4, 69-құжат)
(1998 жылғы 16 мамырда күшіне енді - "Дипломатия жаршысы" ж.,
Арнайы шығарылым N 2, 2000 жылғы қыркүйек, 72 бет)

Бұдан әрі Тараптар деп аталатын Қазақстан Республикасының Үкіметі мен Өзбекстан Республикасының Үкіметі, Қазақстан Республикасы мен Өзбекстан Республикасы арасындағы сауда-экономикалық ынтымақтастықты теңдік және өзара тиімділік негізінде дамытуға ұмтыла отырып,

Қазақстан Республикасы мен Өзбекстан Республикасының қалыптасқан интеграциялық экономикалық байланыстары мен екі мемлекет экономикаларының өзара толығуын ескере отырып,

біртұтас экономикалық кеңістік құру туралы шарттың ережелерін басшылыққа ала отырып,

тауарлар мен көрсетілетін қызметтердің еркін қозғалысы өзара келісілген шараларды жүзеге асыруды талап ететінін мойындай отырып,

Қазақстан Республикасы мен Өзбекстан Республикасы Тарифтер мен сауда жөніндегі Бас Келісімнің (ТСБК) және Дүниежүзілік сауда ұйымының (ДСҰ) принциптерін ұстанатындықтарын растай отырып,
төмендегілер жөнінде келісті:

1-бап

Тараптар теңдік, өзара тиімділік және мүдделілік принциптерін басшылыққа ала отырып, Тараптар мемлекеттеріндегі іс жүзіндегі заң актілерін сақтай отырып, олардың меншік түрлеріне қарамастан, тікелей шаруашылық байланыстары негізінде шаруашылық қызмет субъектілері арасындағы сауда-экономикалық қатынастарды дамытады және кеңейте түседі.

Тараптардың әрқайсысы екінші Тарапқа зиян келтіретін іс-әрекеттерден бас тартады.

2-бап

1. Тараптар бір-біріне еркін сауда тәртібін ұсынады.

Тараптар бір Тарап мемлекетінің кедендік аумағынан шығатын және екінші Тарап мемлекетінің кедендік аумағына арналған тауарлардың экспортын және/немесе импортын кедендік ресімдеулер, сондай-ақ сандық шектеулер үшін қойылатын алымдардан басқа, бара-бар күші бар кедендік баж салығын, салықтарды және алымдарды қолданбайды. Тауарлардың келісілген номенклатурасы бойынша аталған сауда тәртібінен алып тастаулар осы Келісімнің ажырамас бөлігі болып табылатын Х а т т а м а м е н р е с і м д е л е д і .

2. Тараптар осы баптың 1-тармағына сәйкес еркін сауда тәртібінен алынып тастаулардың жалпы тізбесін, сондай-ақ осындай алынып тастауларды қолдану тәсілдерін жыл сайын әзірлейді және келіседі.

3. Осы Келісімнің мақсаттары үшін және оның қолданылу кезеңінде Тараптар мемлекеттерінің кедендік аумағынан шығатын тауарлар деп Тәуелсіз Мемлекеттер Достастығы Үкімет Басшылары Кеңесінің Шешімімен бекітілген 1993 жылғы 24 қыркүйектегі Тауарлар шығатын елді анықтайтын ережелер белгілеген тауарлар түсініледі.

3-бап

Ә р б і р Т а р а п :

осы Келісімнің қолданысы аясына жататын екінші Тараптың тауарларына ішкі өндірістің ұқсас тауарларына немесе үшінші елдерден шығатын тауарларға салынатын тиісті салықтардан немесе алымдардан асып түсетін ішкі салықтарды немесе алымдарды тікелей немесе жанама түрде салмайтын;

осы Келісімнің қолданысы аясына жататын тауарларды импорттауға немесе экспорттауға қатысты, ұқсас жағдайларда ішкі өндірістің ұқсас тауарларына немесе үшінші елдерден шығатын тауарларға қолданылмайтын қандай да болмасын арнайы шектеулер мен талаптар енгізбейтін;

екінші Тараптың мемлекеті аумағынан шығатын тауарларды жинастыруға, қайта тиеуге, сақтауға, тасымалдауға, сондай-ақ төлемдерге және төлемдерді аударуға

қатысты осындай жағдайларда өз тауарларына немесе үшінші елдерден шығатын тауарларға қатысты қолданылатын ережелерге қарағанда басқа ережелерді қолданбайтын болады.

4-бап

Тараптар өзара саудада екінші Тарапқа қатысты осы Келісімнің шеңберінде тауарларды экспорттауға және/немесе импорттауға сандық шектеулер енгізетін кемсітушілік шараларын немесе оларға бара-бар шараларды қолданудан бас тартатын болады.

Тараптар біржақты тәртіппен сандық немесе басқа арнайы шектеулер, бірақ тек ақылға қонымды деңгейде және қатаң белгілі бір мерзімге қоюы мүмкін.

Бұл шектеулер аса бөлек сипатта болуы тиіс және тек ТСБК/ДСҰ шеңберлеріндегі келісімдермен көзделген жағдайларда ғана қолданылуы мүмкін.

Осы Бапқа сәйкес шектеулер қолданатын Тарап аталған шектеулерді қолдануды енгізудің негізгі себептері, нысандары мен болжамды мерзімдері туралы толық ақпаратты мүмкіндігінше алдын ала екінші Тарапқа табыс етуі тиіс, содан кейін консультациялар тағайындалады. Консультациялар барысында қабылданатын шешімдер тиісті құжаттармен ресімделеді.

5-бап

Осы Келісім Тараптардың кез-келгеніне өзінің тіршілік мүдделерін қорғау үшін қажет деп есептейтін немесе өзі қатысушы болып табылатын немесе қатысушы болуға ниет еткен халықаралық шарттарды орындау үшін сөзсіз қажет деп санайтын сыртқы экономикалық байланыстар саласында халықаралық тәжірибеде жалпы қабылданған мемлекеттік реттеудің шараларын, егер бұл шаралар:

адамдардың өмірі мен денсаулығын, қоршаған ортаны қорғауға, жануарлар мен өсімдіктерді сақтауға;

қоғамдық имандылықты және қоғамдық тәртіпті қорғауға, ұлттық қауіпсіздікті қамтамасыз етуге;

қару-жарак, оқ-дәрі және әскери техника саудасына;

ыдыраушы материалдарды және радиоактивті заттардың көзін жеткізуге, радиоактивті қалдықтарды залалсыздандыруға;

алтын, күміс немесе басқа да бағалы металдар мен асыл тастар саудасына;

орны толмас табиғи ресурстарды сақтауға; төлем балансының бұзылуына;

мемлекеттік қолдау бағдарламаларын жүзеге асыру нәтижесінде ішкі бағасы әлемдік деңгейден төмен болатын өнімнің экспортын шектеуге;

өндірістік және интеллектуальдық меншікті қорғауға;

ұлттық игілік құндылықтарын қорғауға;
соғыс уақытында немесе халықаралық қатынастардағы басқа төтенше жағдайларда
қ о л д а н ы л а т ы н ш а р а л а р ғ а ;
халықаралық бейбітшілік пен қауіпсіздікті сақтау үшін БҰҰ-ның Жарғысы
негізіндегі міндеттерді орындау үшін іс-қимылдарға;
және ТСБК-нің XX-бабында көзделген басқа жағдайларға қатысты болса біржақты
тәртіпте қолдану құқығына кедергі келтірмейді.

Осы бапқа сәйкес шараларды енгізуге ниетті Тарап төтенше сипаттағы жағдайлардан басқа, екінші Тарапқа осындай шараларды қолданудың басталуына дейін алдын ала шектеулерді енгізудің негізгі себептері, нысандары мен болжамды мерзімдері туралы толық ақпаратты беруге тиіс, содан кейін консультациялар тағайындалады.

6-бап

Тараптар мемлекеттерінің шаруашылық жүргізуші субъектілері арасындағы сауда-экономикалық ынтымақтастық жөніндегі барлық есеп айырысулар мен төлемдер тиісті банк аралық келісімдер негізінде жүзеге асырылатын болады.

7-бап

Тараптар тұрақты негізді Тараптарға қатысты кеден статистикасын қоса алғанда, сыртқы экономикалық байланыстарды іштей құқықтық реттеу туралы, соның ішінде сауда, инвестиция, салық салу, банк және сақтандыру қызметі және көлік пен кеден мәселелері жөніндегі өзге де қызметтер бойынша ақпаратпен алмасатын болады. Тараптар осы Келісімнің орындалуына ықпал етуі мүмкін ұлттық заңдардағы өзгерістер туралы бір-біріне дер кезінде хабарлап тұрады.

Уағдаласушы Тараптардың өкілетті органдары бұндай ақпарат алмасудың тәртібін к е л і с е д і .

О с ы б а п т ы ң е р е ж е л е р і :

кез келген Тараптың құзыретті органдарын заң бойынша немесе Тараптардың бірінің әдеттегі әкімшілік практика барысында алуға болмайтын ақпаратты беруге м і н д е т т і д е п т у с і н у ;

қандай да бір сауда, кәсіпкерлік, өндірістік, коммерциялық немесе кәсіби құпияны немесе сауда процесін жария ететін ақпаратты немесе жария етілуі Тараптардың мемлекеттік мүдделеріне қайшы келетін басқа ақпаратты беру болып табылмайды.

8-бап

Тараптар олақ іскерлік практиканың осы Келісімнің мақсаттарына сай келмейтінін мойындайды және оның төмендегі әдістеріне:

Тараптар мемлекеттерінің аумағында бәсекелестікке кедергі келтіру немесе шектеу немесе оған жасалған жағдайларды бұзу мақсаттарын қойған кәсіпорындар арасындағы шарттарға, кәсіпорындар бірлестігі қабылдаған шешімдерге және іскерлік практикасының жалпы әдістеріне;

бір немесе бірнеше кәсіпорындардың өздерінің үстемдік жағдайын пайдаланып, Тараптар мемлекеттерінің түгел аумағына немесе едәуір бөлігінде бәсекелестікті шектейтін іс-әрекеттеріне жол бермеуге және жоюға міндеттенеді.

9-бап

Статистикалық ақпарат алмасу, кедендік рәсімдерді жүргізу үшін екі жақты экономикалық қарым-қатынастардың тарифтік және тарифтік емес реттеу шараларын жүзеге асыру кезінде Тараптар тауарларды сипаттау мен кодтаудың үйлесімді жүйесіне және Еуропалық экономикалық одақтастықтың құранды тарифтік-статистикалық номенклатурасына негізделген Сыртқы экономикалық қызметтің бірыңғай тоғыз таңбалы Тауарлық номенклатурасын (СЭҚ ТН) пайдаланатын болады. Бұл орайда Тараптар өз мұқтаждары үшін қажет болған жағдайда тоғыз таңбадан тыс Тауарлық номенклатураны дамытуды жүзеге асырады.

Тауарлық номенклатураның эталондық нұсқасын енгізу өзара келісілген негізде тиісті халықаралық ұйымдардағы өкілдіктер арқылы жүзеге асырылады.

10-бап

Тараптар транзиттік өту принциптерін сақтау осы Келісімнің мақсаттарына қол жеткізудің аса маңызды шарты және оларды халықаралық еңбек бөлісу мен бірлесу жүйесіне қосу процесінің елеулі буыны екендігіне келіседі.

Осыған байланысты Тараптардың әрқайсысы екінші Тарап мемлекетінің және/немесе үшінші елдің кедендік аумағынан шығатын және екінші Тарап мемлекетінің немесе кез келген үшінші елдің кедендік аумағына арналған тауарлардың өз аумағы арқылы кедергісіз транзитін қамтамасыз етеді және экспорттаушыларға, импорттаушыларға немесе тасымалдаушыларға өзінің экспорттаушыларына, импорттаушыларына немесе тасымалдаушыларына немесе кез келген үшінші мемлекеттің экспорттаушыларына, импорттаушыларына немесе тасымалдаушыларына берілетін сол құралдар мен қызмет көрсетулерден еш кем түспейтін шарттарда барлық қолдағы бар құралдар және қамтамасыз ету үшін қажетті қызмет көрсетулерді беретін болады.

Тараптар мемлекеттерінің аумақтары бойынша жүктердің өту тәртібі мен шарттары тасымалдаудың Халықаралық ережелеріне сәйкес реттеледі.

11-бап

Әрбір Тарап осы тауарлар өз аумағынан шығатын екінші Тараптың экспортына қатысты рұқсат етілмеген тауарларды қайта экспорттауға жол бермейді, реттеудің тарифтік және/немесе тарифтік емес шараларын қолданады және/немесе оларды өз кеден аумағынан әкету кезінде сыртқы экономикалық жеңілдіктер береді. Тараптар рұқсатсыз қайта экспорттауға тыйым салынатын тауарлардың тізбесін белгілейді, сондай-ақ мемлекеттік реттеу шаралары қолданылатын тауарлардың тізімдерімен а л м а с а д ы .

Бұл тауарларды үшінші бір елге қайта экспорттау, осы тауарлар шығатын елдің-мемлекеттің өкілетті органы айқындайтын жазбаша келісімімен және шарттарымен жүзеге асырылуы мүмкін. Осы ереже сақталмаған жағдайда мүдделі Тарап екінші Тараппен алдын ала консультация алысқаннан кейін бір жақты тәртіпте келісімсіз қайта экспорттауға жол берген екінші Тарап мемлекетінің кедендік аумағына бұндай тауарларды шығаруды реттеу жөнінде шаралар енгізуге құқығы бар.

Қайта экспорттау деп бір Тарап мемлекетінің кедендік аумағынан шығатын тауарды екінші Тараптың үшінші елге экспорттау мақсатымен өз мемлекетінің кедендік аумағынан тыс жерге шығаруы түсініледі.

12-бап

Үшінші елге қатысты экспорттық бақылаудың келісілген саясатын жүргізу мақсатында Тараптар тұрақты түрде консультациялар өткізетін болады және экспорттық бақылаудың тиімді жүйесін құру үшін өзара келісілген шараларды қабылдайтын болады.

13-бап

Осы Келісімнің ережелері Тараптар арасында бұрынырақта жасалған келісімдердің ережелерін соңғыларының алғашқыларына не сәйкес келмейтін, не онымен ұқсас болатын шамасына қарай алмастырады.

14-бап

Осы Келісімде, егер бұл қатынастар мен міндеттемелер осы Келісімнің мақсаттары мен ережелеріне қайшы келмесе, осы Тарап қатысушы болып табылатын Тараптардың кез келгеніне үшінші елдермен қарым-қатынас орнатуға, қандай да бір халықаралық келісімдерге сәйкес өзіне алған міндеттемелерін орындауға ештеңе де кедергі жасамайды.

15-бап

Әрбір Тарап өзінің заңдарына және халықаралық міндеттемелеріне сәйкес екінші Тараптың шаруашылық қызметі субъектілерінің тең құқықтық, соның ішінде құқықтарды соттық қорғау және заңды мүдделерін қорғау құқықтарын береді.

16-бап

Осы Келісімнің ережелерін түсіндіру немесе қолдануға қатысты Тараптар арасындағы даулар келіссөздер жүргізу жолымен немесе Тараптарға қолайлы басқа тәсілдермен шешілетін болады.

Тараптар өзара саудадағы шиеленісті жағдайларды жасамауға ұмтылатын болады.

17-бап

Қажет болған жағдайда Тараптардың келісуі бойынша осы Келісімге өзгертулер мен толықтырулар енгізілуі мүмкін.

18-бап

Осы Келісім Тараптардың бұл үшін қажетті мемлекеттік ішкі процедураларды орындағандары туралы соңғы мәлімдеулері күнінен кейін күшіне енеді және Тараптардың біреуі екінші Тарапқа оның қолданысын тоқтатқысы келетін ниеті туралы жазбаша мәлімдеме жіберген күннен алты ай өткенше күшінде қалады.

Осы Келісім тоқтатылғаннан кейін оның ережелері оның күшінде болған кезеңде Тараптар мемлекеттерінің шаруашылық субъектілері арасында жасалған, бірақ орындалмаған контрактілеріне бес жылдан аспайтын мерзімге қолданыста болады.

Алматы қаласында 1997 жылғы 2 маусымда екі данада, әрқайсысы қазақ, өзбек және орыс тілдерінде жасалды, сондай-ақ барлық мәтіндердің күші бірдей.

Осы Келісімнің ережелерін түсіндіру мақсатында орыс тіліндегі мәтін басым күшке ие.

*Қазақстан Республикасының
Үкіметі үшін*

Өзбекстан Республикасының

Үкіметі үшін

1997 жылғы 2 маусымдағы Қазақстан Республикасының Үкіметі

мен Өзбекстан Республикасының Үкіметі арасындағы

Еркін сауда туралы келісімге

Еркін сауда тәртібінен алып тастаулар туралы

Хаттама

Қазақстан Республикасының және Өзбекстан Республикасының өкілетті өкілдері төмендегі туралы осы Хаттаманы жасады:

1-бап

1997 жылғы 2 маусымдағы Қазақстан Республикасының Үкіметі мен Өзбекстан Республикасының Үкіметі арасындағы Еркін сауда туралы келісімнің 2-бабымен көзделген алып тастаулар:

№ 1 Қосымшаға сәйкес Өзбекстан Республикасынан Қазақстан Республикасына импортталатын тауарларға;

№ 2 Қосымшаға сәйкес Өзбекстан Республикасынан Қазақстан Республикасына экспортталатын тауарларға таратылады.

2-бап

1. Осы Хаттаманың 1-бабына сәйкес еркін сауда тәртібінен алып тастаулар таратылатын тауарларға қатысты Тараптар бір-біріне барынша қолайлы жағдай туғызады. Олар:

осындай салықтар мен алымдарды алудың әдісін қоса алғанда, импорт кезінде (№ 1 Қосымшада көрсетілген тауарларға қатысты) және экспорт кезінде (№ 2 Қосымшада көрсетілген тауарларға қатысты) алынатын салықтар мен алымдарға;

транзитті кедендік ресімдеуге, тасымалдауға, жинастыруға, қайта тиеуге және осы сияқты қызмет көрсетулерге қатысты ережелерге;

төлемнің әдістеріне және төлемдердің аударылуына; импорттық лицензиялар беруге;

ішкі рынокта тауарларды сату, сатып алу, тасымалдау, бөлу және пайдалануға байланысты ережелерге қатысты.

2. Осы баптың 1-тармағының ережелері:

Тараптардың кез келгенінің Кеден одағын немесе еркін сауда аймағын құру мақсатымен, не осындай одақ немесе аймақ құру нәтижесінде үшінші елдерге беретін басымдықтарына;

Тараптардың заңдарына сәйкес дамушы елдерге берілетін басымдықтарына; шекара бойындағы сауданы жеңілдету мақсатымен көрші елдерге берілетін басымдықтарына;

арнаулы келісімдерге сәйкес Тараптардың бір-біріне беретін басымдықтарына қатысты қолданылмайды.

3-бап

Тараптар өзара саудада Тараптар мемлекеттерінің кедендік аумақтарына экспорт/ импорт кезінде тауарларды кедендік ресімдеу кезіндегі қолданыстағы тауарлардың (жұмыс және қызмет түрлерінің) экспорты мен импортын лицензиялау және квоталау туралы олардың заңдарына сәйкес тарифтік емес реттеу шараларын қолдануды с а қ т а й д ы .

О с ы Х а т т а м а ғ а қ о л қ о ю к е з і н д е :

Қазақстан Республикасында - Қазақстан Республикасы Үкіметінің 1996 жылғы 12
н а у р ы з д а ғ ы N 298 Қ а у л ы с ы м е н ;

Өзбекстан Республикасында - Өзбекстан Республикасы Министрлер Кабинетінің
1995 жылғы 25 шілдедегі N 287 Қаулысының 3, 4, 5, 6, 8, 9-қосымшаларымен және
1996 жылғы 18 маусымдағы N 219 Қаулысының 2-қосымшасымен белгіленген
тауарлардың (жұмыс және қызмет түрлерінің) экспорты мен импортын тарифтік емес
реттеу саласындағы шектеулер күшінде болады.

4-бап

1. Осы Хаттама 1997 жылғы маусымдағы Қазақстан Республикасының Үкіметі мен
Өзбекстан Республикасының Үкіметі арасындағы Еркін сауда туралы келісімнің
ажырамас бөлігі болып табылады және аталған Келісіммен бір мезгілде күшіне енеді.

2. Осы Хаттама 1997 жылғы маусымдағы Қазақстан Республикасының Үкіметі мен
Өзбекстан Республикасының Үкіметі арасындағы Еркін сауда туралы келісімнің 2-
бабымен көзделген жаңа Хаттама жасалатын кезеңге дейін қолданыста болады.

Алматы қаласында 1997 жылғы "2" маусымда екі түпнұсқа данада, әрқайсысы қазақ
, өзбек және орыс тілдерінде жасалды, сондай-ақ барлық мәтіндердің күші бірдей.

Осы Хаттаманы түсіндіру мақсаттары үшін орыс тіліндегі мәтін пайдаланылады.

Қазақстан Республикасының Үкіметі үшін Өзбекстан Республикасының

Үкіметі үшін

Үкіметі үшін

1997 жылғы " ___ " маусымдағы

Қазақстан Республикасының

Үкіметі мен Өзбекстан

Республикасының Үкіметі

арасындағы Еркін сауда

туралы Келісімнің

Еркін сауда тәртібінен

алып тастаулар туралы

Х а т т а м а с ы н а

N 1 Қосымша

Өзбекстан Республикасынан Қазақстан Республикасына импорттау кезінде оларды еркін сауда тәртібінен алып тастауға жататын тауарлардың Тізбесі

Тауардың аты	СЭҚ ТН-ның коды
К ү р і ш	1 0 0 6
Алкогольді және алкогольсіз ішімдіктер	22 топ (2201, 2202 және 2209-дардан б а с қ а)
Темекі және темекіні өндірістік алмастырушылар	24 топ
1997 жылғы Қазақстан Үкіметі мен Республикасының арасындағы туралы Еркін сауда алып тастаулар Х а т т а м а с ы н а	" _ _ _ " маусымдағы Республикасының Өзбекстан Үкіметі сауда тәртібінен туралы
№ 2 Қосымша	

Қазақстан Республикасына Өзбекстан Республикасынан экспорттау кезінде оларды еркін сауда тәртібінен алып тастауға жататын тауарлардың Тізбесі

Тауардың аты	СЭҚ ТН-ның коды
Т а б и ғ и б а л	0 4 0 9
К а р т о п	0 7 0 1
Мақталық тұқым (егіс үшін), басқа тұқымдар	120720100 1207209100
Мақта линті	140420000
Өсімдік майы	1507, 1512, 1516
Қ а н т	1 7 0 1 , 1 7 0 2
Майлық дақылдардан жем, ұн және сықпа жем және өсімдік майы	2304, 2306, 230990

	тұнбасының басқа қалдықтары (мақталық тұқымдарды қоса алғанда)
Күкірт қышқылы	2807
Дәрілік мақта, дәке, бинттер және соған ұқсас (медициналық) бұйымдар	3005
Минералдық немесе химиялық, азот немесе фосфор тыңайытқыштары	3102, 3103
Лактар, сырлар және пигменттер	3203-3210
Тері, иленбеген тері шикізаты	4101-4103, 4104
	4106, 4108, 4109
Табиғи және жасанды тері	4301, 4302
Қағаз және қатырма қағаз, қағаз массасынан және қатырма қағаздан жасалған бұйымдар	4801, 4803, 4806 4809, 4812, 4813 4816, 4818, 4820
Мақта талшығы және мақта қалдықтары	5201, 5202, 5203
Дәрілік мақта, түбіт және тоқыма тозаңы, түйіншіктер	560121, 560130
Асыл және жартылай асыл тастар, бағалы металдар	7103, 7104, 7106 7107, 7108, 7109 7110, 7111, 7112
Мыстан жасалған бұйымдар, мыс қалдықтары мен сынықтары	7405, 7409, 7413-7419, 7404
Алюминийдің қайта қорытпасы	760120900
Алюминийден жасалған бұйымдар, асхана бұйымдары, асүйлік және өзге бұйымдар (күюге қарсы қабатталған ыдыстардан басқа), алюминий қалдықтары мен сынықтары	7603-7614, 7615 7616, 7602
Өзге бағалы емес металдар (магний, кобальт, титан, цирконий, марганец, бериллий, хром, германий, ванадий)	8104, 8105, 8108, 8109, 8111, 8112 (811291100-811299900-ден басқа)
Түсті металл сынықтары мен қалдықтары	810191900, 810291900, 810310900, 810420000, 810510900, 810600100, 810700100, 810810900,

8 1 0 9 1 0 9 0 0 ,
8 1 1 0 0 0 1 9 0 , 8 1 1 0 0 0 1 9 0 ,
8 1 1 2 1 1 0 0 0 ,
8 1 1 2 2 0 3 9 0 , 8 1 1 2 3 0 1 0 0 ,
8 1 1 2 4 0 1 9 0 ,
8 1 1 2 9 1 3 9 0 , 8 1 1 3 0 0 1 0 0

Қапталған өткізгіштер

8544

Көркемөнер шығармалары,

9701, 9702, 9703

коллекция бұйымдары және

9704, 9705, 9706

антиквариат

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК